


Cumegn da Surses



**Directivas davart la promoziun da
hotels e da menaschis d'alloschamaint
cun letgs administros**

Directivas davart la promoziun da hotels e da menaschis d'alloschamaint cun letgs administros

Relaschea dalla suprastanza communal a la basa d'art. 3 dalla constituziun communal.

Art. 1 Prancepi

¹ Igl cumegn da Surses promova la construcziun e la sanaziun da hotels e da menaschis d'alloschamaint cun letgs tgods sen territori communal.

² Igl program da promoziun è per antant limito sen 5 onns a parteir digl datum dall'approvaziun.

Art. 2 Furma digl sustign

¹ Igl cumegn sustigna projects da construcziun e da sanaziun an senn digl art. 1 cun ena contribuziun finanziaria unica à fonds perdu aint igl rom da 3% anfignen max. 5% dalla somma d'investiziun.

² La somma d'investiziun vign calculada scu suonda:

- Tar en object nov: somma d'investiziun excl. prietsch da compra digl taragn.
- Tar en object existent cun midada da mang: somma d'investiziun plus prietsch da compra.
- Tar en object existent sainza midada da mang: sulettamaintg la somma d'investiziun.

Art. 3 Premissas da contribuziuns

Sustignias vignan projects cun ena somma d'investiziun minimala da:

- 5 milliuns francs, tar objects novs.
- 2.5 milliuns francs, tar objects existents.

Art. 4 Criteris per la determinaziun digl import dalla contribuziun

¹ La suprastanza determinescha igls criteris.

² Per la determinaziun digl import dalla contribuziun vignan da prancepi risguardos igls suandonts criteris:

- andomber digls posts da lavour novs tgi vignan stgaffias aint igl cumegn
- muntada turistica digl project per igl cumegn
- termin dalla realisaziun; igls amprens treis projects ratschevan en sustign pi ot.
- antradas generadas resp. plevallour antras l'investiziun (domber dallas pernottaziuns etc.)
- risguard dalla mastranza indigena per lavours planisadas.

Art. 5 Inoltraziun dalla dumonda ed examinaziun preliminar

¹ Dumondas per ena contribuziun èn d'inoltrar alla suprastanza communal. Chella decida da cass tar cass tge documaints tgi on da neir agiuntos alla dumonda.

² La suprastanza examinescha las dumondas e decida schi las premissas per ena contribuziun èn adampleidas. Èn las premissas adampleidas, fixescha ella igl import e relascha ena decisiun preliminar per mangs digl petent. Siva igl consentimaint an scretg digl petent, prepara la suprastanza igl affar per mangs digl organ responsabel digl cumegn.

Èn las premissas betg adampleidas, vign la decisiun negativa communitgeida an scretg agl petent. La decisiun è definitiva.

Art. 6 Organ digl cumegn responsabel

¹ Contribuziuns d'en import maximal da 2 milliuns francs on da neir sottamessas per approvaziun alla radunanza communal.

² Contribuziuns d'en import tgi surpasa 2 milliuns francs on da neir sottamessas per approvaziun agl cumegn d'urna.

Art. 7 Paiamaint da contribuziuns approvadas

Las modalitads e las cundiziuns pertutgont igl paiamaint da contribuziuns approvadas vignan fixadas ainten ena cunvagnientscha separada.

Art. 8 Dretg legal ad en sustign

Da prancepi dattigl nign dretg legal per ena garanzeia d'en import da contribuziun.

Art. 9 Antrada an vigour


Igl reglamaint preschaint è nia approvo igls 7 da december dalla suprastanza communal ed aintra an vigour per data dalla decisiun.

La suprastanza communal Surses

Igl mastral:


.....
Leo Thomann

Igl canzlist:


.....
Beat Jenal